

Պոլիտարճեր բայր երկրների, միացե՛ք

ՀԿԳ ԿԵՆՏՐՈՆԻ
ՊՐՈԳՆՈԶԱՆԴԱՅԻ ԵՎ
ԱԳԻՏԱՅԻՆՑԻ ԲԱԺԻՆ

Ագրիկուլտուրի ԲՆՈՎՆՈՏ

ОБЯЗАТЕЛЬНЫЙ
ЭКЗЕМПЛЯР

№ 20

ՀՈԿՏԵՄԲԵՐ

1958

ԲՈՎԱՆԴԱԿՈՒԹՅՈՒՆ

էջ

Նյութեր զրույցների և զեկուցումների համար
Հոկտեմբերյան Սոցիալիստական Մեծ ռեվյուցիա-
յի 41-րդ տարեդարձը 1

Օգտագործիչ զրույցի ժամանակ
ի պատիվ պարտիայի XXI համագումարի 41

Օգնություն ագիտատորներին
Քեմաներ և գրականություն ագիտատորների նո-
յեմբեր ամսվա զրույցների համար 45

Խմբագրության հասցեն.— Երևան, ՀԿՊ Կենտկոմ,
II հարկ, 60-րդ սենյակ: Հեռախոս՝ 2—52—78:

7220-Ա.Հ.


ՆՅՈՒԹԵՐ ԶՐՈՒՅՑՆԵՐԻ ԵՎ ԶԵԿՈՒՑՈՒՄՆԵՐԻ ՀԱՄԱՐ

ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՅԻԱՅԻ 41-ՐԴ ՏԱՐԵԴԱՐՁԸ

1958 թվականի նոյեմբերի 7-ին, Սովե-
տական Միության, ժողովրդական դեմոկրա-
տիայի երկրների աշխատավորները, ամբողջ
աշխարհի առաջադեմ մարդկությունը նշելու
են Հոկտեմբերյան Սոցիալիստական Մեծ
ռեվոլյուցիայի պանծալի 41-րդ տարեդարձը:

1917 թվականի նոյեմբերի 7-ին, Ռուսաս-
տանի բանվորներն ու գյուղացիները, Կոմու-
նիստական պարտիայի գլխավորությամբ
տապալեցին կապիտալիստների ու կալվա-
ծատերերի տիրապետությունը և իրենց ձեռ-
քը վերցրին քաղաքական իշխանությունը:

Ռեվոլյուցիայի հաղթանակի օրը, երեկո-
յան, Սմոլնիում բացվեց Սովետների Համա-
ռուսական 2-րդ համագումարը, որը լսեց
Լենինի զեկուցումները և ընդունեց հողի և
հաշտության մասին դեկրետները, Համագու-



մարը կազմեց առաջին Սովետական կառավարութիւնը Վ. Ի. Լենինի գլխավորութեամբ:

Մոսկվայի բանվորները ոգեշնչվելով Պետրոգրադի պրոլետարիատի հաղթանակով վրձնաբար հանդես եկան բուրժուազիայի դեմ և ջախջախեցին կոնտրռեւոլյուցիոն զորամասերը ու հաստատեցին սովետական կարգեր:

Պետրոգրադին և Մոսկվային հետևեցին մյուս արդյունաբերական ու վարչական կենտրոնները: Արդեն նոյեմբերի 4-ին Սովետական իշխանութիւն էր հաստատվել Իվանով-Վոզնեսենսկում, Մինսկում, Վլադիմիրում, Լուգանսկում, Եկատերինբուրգում, Կազանում, Սամարայում, Սարատովում, Ուֆայում, Ռոստովում: Դա Սովետական իշխանութեան իսկական հաղթարշավն էր:

Հաստատելով Սովետների իշխանութիւն, Հոկտեմբերյան ռեւոլյուցիան վերջ տվեց սոցիալական և ազգային ճնշմանը, ազատագրեց մեր երկրի բոլոր ժողովուրդներին, սկիզբ դրեց աշխատավորների իսկական իրավահավասարութեանը, բոլոր ժողովուրդների եղբայրութեանը, ստեղծեց այնպիսի հասարակարգ, որտեղ վերացված են շահագործող դասակարգերը, ոչնչացված է մարդու շահագործումը մարդու կողմից:

Հոկտեմբերյան ռեւոլյուցիայի հաղթանակի

— 2 —

շնորհիվ, մեր երկրում հաստատվեց բանվոր դասակարգի քաղաքական տիրապետութիւնը՝ պրոլետարիատի դիկտատուրան, ստեղծվեց բանվորների և գյուղացիների աշխարհում առաջին սոցիալիստական պետութիւնը: Պատմութեան մեջ առաջին անգամ ժողովուրդը դարձավ իր բախտի, իր երկրի տերը: Գործարանները, ֆաբրիկաները, երկաթուղիները, բանկերը, հողը և նրա ընդերքը դարձան համաժողովրդական սեփականութիւն: Իմպերիալիստները չէին կարող հաշտվել Ռուսաստանում պրոլետարական ռեւոլյուցիայի հաղթանակի հետ և ճգնում էին ետ շրջել պատմութեան ընթացքը, նրանք մեզ քաղաքացիական պատերազմ հայտարարեցին, ձեռնարկեցին ռազմական ինտերվենցիա, հուլիս ունենալով օրորոցում խեղդել սոցիալիստական ռեւոլյուցիան:

Մեր երկրի ժողովուրդները դաժան պայքարում պաշտպանեցին Մեծ Հոկտեմբերի նվաճումները և վիժեցրին համաշխարհային տեակցիայի բոլոր շարանենգ դիտավորութիւնները:

Կապիտալիստական շրջապատման պայմաններում անընդհատ պայքարելով միջազգային իմպերիալիզմի մեքենայութիւնների դեմ, ընկճելով դասակարգային թշնամիների

— 3 —

կատաղի դիմադրութիւնը, ՍՍՌՄ աշխատավորները Կոմունիստական պարտիայի ղեկավարութեամբ ձեռնամուխ եղան խաղաղ սոցիալիստական շինարարութեան:

Կոմունիզմի մեծ ճարտարապետ Վ. Ի. Լենինը, դեռևս Սովետական իշխանութեան առաջին տարիներին, մշակեց մեր երկրում սոցիալիզմի ու կոմունիզմի կառուցման գիտականորեն հիմնավորած պլանը: Այդ պլանը նախատեսում էր երկրի սոցիալիստական ինդուստրացում, ծանր արդյունաբերութեան անշեղ զարգացում, ամբողջ ժողովրդական տնտեսութեան էլեկտրիֆիկացում, գյուղատնտեսութեան սոցիալիստական վերակառուցում, կուլտուրական ռևոլյուցիայի իրականացում:

Սոցիալիզմի կառուցումը տնտեսապես հետամնաց, գերազանցապես գյուղատնտեսական երկրում, ինչպիսին Ռուսաստանն էր, չափազանց դժվար էր: Միջազգային իմպերիալիզմը ձգտում էր հրով ու սրով, բլուկադայով և սովի միջոցով բնաջնջել երկրի երեսից երիտասարդ Սովետական պետութեանը: Բացի դրանից մեր պարտիան, բանվոր դասակարգը նոր հասարակութիւնը ըստեղծելու փորձ չունեին:

Կոմունիստական պարտիան բանվորներին

— 4 —

և աշխատավոր գյուղացիութեան լայն մասսաներին համակեց սոցիալիստական շինարարութեան գաղափարներով և նրանք հաղթահարելով վիթխարի դժվարութիւններ, գիտակցաբար զոհաբերութիւնների դիմելով, սահմանափակելով իրենց նյութական պահանջմունքները, խանդավառութեամբ կառուցեցին նոր գործարաններ, ֆաբրիկաներ, էլեկտրակայաններ, երկաթուղիներ, կոլտնտեսութիւններ ու սովխոզներ:

Սովետական երկիրը կարճ ժամանակամիջոցում դարձավ հզոր ինդուստրիալ տերութիւն, գյուղում հաղթանակեց կոլտնտեսային կարգը, մեր երկրում իրագործվեց իսկական կուլտուրական ռևոլյուցիա: Սովետական ժողովուրդը, նրա քաջարի Զինված ուժերը երկրորդ համաշխարհային պատերազմի տարիներին ոչ միայն պաշտպանեցին իրենց Հայրենիքի ազատութիւնն ու անկախութիւնը, մեծ Հոկտեմբերի նվաճումները, այլև վճռական ավանդ մուծեցին մարդկութիւնը ֆաշիստական ստրկացման սպառնալիքից փրկելու գործում: Հիտլերյան Գերմանիայի և միլիտարիստական Ճապոնիայի դեմ ձեռք բերված մեծ հաղթանակի շնորհիվ Նվրոպայի ու Ասիայի մի շարք երկրների ժողովուրդներ թոթափեցին կապիտալիստական ու գա-

— 5 —

դութային ճնշման լուծը և դարձան իրենց քախտի տերերը, կանգնեցին սոցիալիստական շինարարության ուղու վրա:

Հետպատերազմյան տարիներին բուժելով պատերազմի ծանր վերքերը և վերացնելով նրա հետևանքները, սովետական ժողովուրդը շտեմնաված կարճ ժամկետում վերականգնեց ժողովրդական տնտեսությունը, հսկայական չափերով գերազանցելով արտադրության նախապատերազմյան մակարդակը և խոշոր առաջընթաց քայլ կատարեց սոցիալիզմից կոմունիզմին անցնելու ճանապարհին:

Սովետական իշխանության անցած տարիներին անճանաչելիորեն փոխվել է մեր Հայրենիքը: Նա ծածկվել է գործարանների, ֆաբրիկաների, էլեկտրակայանների, երկաթուղային ու ավտոմոբիլային մագիստրալների, հանքերի, կոլտնտեսությունների, սովխոզների խիտ ցանցով: Սիբիրյան թավուտ տայգաներում, Միջին Ասիայի արևակեղ ավազուտներում, Անդրբեռային տունդրաներում, Կովկասի լեռնահովիտներում առաջացել են արդյունաբերական խոշոր կենտրոններ և քաղաքներ: Վոլգայի և Դնեպրի վրա, Սիբիրի հզոր գետերի վրա կառուցված են և կառուցվում են խոշորագույն էլեկտրակա-

— 6 —

յաններ: Ղազախստանի և Ալթայի անծայրածիր տափաստաններում ծփում են ցորենի ծով արտերը:

Հոկտեմբերյան Սոցիալիստական Մեծ ռևոլյուցիայի պանծալի տարեդարձը սովետական ժողովուրդը դիմավորում է ՍՄԿՊ XX համագումարի պատմական որոշումների կենսագործման համար մղվող համաժողովրդական լարված պայքարի իրադրության մեջ:

Սովետական մարդիկ հպարտանում են արդյունաբերության բոլոր ճյուղերի հետագա զարգացման, արդյունաբերության ու շինարարության կառավարման կատարելագործման ուղղությամբ պարտիայի առաջադրանքները կատարելու գործում սոցիալիստական արդյունաբերության աշխատողների, մեր հերոսական բանվոր դասակարգի ձեռք բերած վիթխարի հաջողություններով:

ՍՍՌՄ արդյունաբերության համախառն արտադրանքը 1956 թվականին, 1955 թվականի համեմատությամբ, աճել է համարյա 11 տոկոսով, 1957 թվականին՝ 10 տոկոսով, 1958 թվականի առաջին կիսամյակում, 1957 թվականի առաջին կիսամյակի համեմատությամբ, 10,5 տոկոսով:

Առանձնապես նշանակալից են ամբողջ

— 7 —

ժողովրդական տնտեսության, երկրի հզորության հետագա ամրապնդման և սովետական ժողովրդի բարեկեցության անշեղ վերելքի հիմքի՝ ծանր ինդուստրիայի վճռական ճյուղերի զարգացման գործում ձեռք բերած նշանակալից արդյունքները:

1957 թվականին մեր երկրում արտադրվել է 37 միլիոն տոննա շուգուն, 51 միլիոն տոննա պողպատ, 98,3 միլիոն տոննա նավթ, 463 միլիոն տոննա ածուխ, 20,2 միլիարդ խորանարդ մետր բնական գազ, 209,5 միլիարդ կիլովատ-ժամ էլեկտրաէներգիա: 1958 թվականի առաջին կիսամյակում մեղ մոտ արտադրվել է ավելի շատ ածուխ, քան ամբողջ 1949 թվականին, նույնքան պողպատ և ավելի շատ շուգուն ու գլանվածք, քան ամբողջ 1950 թվականին, ավելի շատ էլեկտրաէներգիա, քան ամբողջ 1951 թվականին, համարյա նույնքան տրակտորներ, որքան ամբողջ 1953 թվականին, զգալիորեն ավելի շատ էլեկտրաֆարշեր, քան ամբողջ 1954 թվականին, ավելի շատ նավթ, քան ամբողջ 1953 թվականին, ավելի շատ բնական գազ, քան ամբողջ 1956 թվականին:

Վերջին երկու տարում ձեռք բերված աճը գերազանցում է ցարական Ռուսաստանի տարեկան արտադրության ամբողջ ծավա-

— 8 —

լին. պողպատի գծով՝ մոտ 1,5 անգամ, ածխինը՝ 2,5 անգամ, նավթինը՝ մոտ 3 անգամ, ցեմենտինը ավելի քան 4 անգամ, էլեկտրաէներգիայինը՝ 20 անգամ: 1957 թվականին ՍՍՌՄ-ում ավելի շատ պողպատ է ձուլվել, քան Անգլիայում և Արևմտյան Գերմանիայում միասին վերցրած: Միայն Մագնիտագորսկի, Կոզնեցկի, Նիժնի-Տագիլի կոմբինատները և «Զապորոժստալ» գործարանը ավելի շատ շուգուն և պողպատ են թողարկում, քան Ֆրանսիան:

Եթե 1913 թվականին մեր երկիրը արտադրել է Անգլիայից 2,5 անգամ քիչ և Ֆրանսիայից էլ քիչ շուգուն, ապա մեկ անգամ արտադրում ենք զգալիորեն շատ շուգուն, քան Անգլիան, Ֆրանսիան, և Բելգիան միասին վերցրած: Ածխի հանույթով մենք գրավում ենք առաջին տեղը Եվրոպայում և երկրորդ տեղն աշխարհում, նավթի հանույթով 3-րդ տեղն աշխարհում: Նավթի հանույթի միայն անցյալ տարվա աճը համարյա մեկ և կես անգամ գերազանցեց նախառևույծի Ռուսաստանի նավթի տարեկան ամբողջ հանույթը: Միայն Կուլբիշևի հիդրոէլեկտրատարեկան 5 անգամ ավելի էլեկտրաէներգիա է արտադրում, քան Ռուսաստանի բոլոր

— 9 —

էլեկտրակայաններն արտադրել են 1913 թվականի ընթացքում:

Լենինը մեծ նշանակութիւն էր տալիս աշխատանքի արտադրողականութեան բարձրացմանը այն համարելով ամենից կարևորը և գլխավորը նոր հասարակարգի հաղթանակի համար: 1957 թվականին, 1913 թվականի համեմատութեամբ, արդյունաբերութեան մեջ բանվորների աշխատանքի արտադրողականութիւնը աճել է մոտ 9,5 անգամ, ԱՄՆ-ում՝ 2,3 անգամ, Անգլիայում՝ 1,4 անգամ, Ֆրանսիայում 2 անգամից քիչ ավել: Այժմ արդեն աշխատանքի արտադրողականութեան մակարդակով ՍՍՌՄ-ը գերազանցել է Անգլիային ու Ֆրանսիային և զգալիորեն կրճատել է ԱՄՆ-ի նկատմամբ եղած խզումը:

Սովետական ամբողջ ժողովուրդը ջերմ հավանութիւն տվեց քիմիական արդյունաբերութեան արագ զարգացման մասին ՍՄԿՊ Կենտկոմի Մայիսյան պլենումի որոշմանը:

Քիմիական արդյունաբերութեան ձեռնարկութիւնները մեծ աշխատանք ծավալեցին պարտիայի առաջադրանքները կենսագործելու ուղղութեամբ, գերակատարելով հիմնական տեսակի սինթետիկ նյութերի և պլաստիկ մասսաների, ինչպես նաև արհեստական

— 10 —

ու սինթետիկ թելի թողարկման առաջին կիսամյակի պլանը:

Արդյունաբերութեան զարգացման բնագավառում ձեռք բերված վիթխարի հաջողութիւններն ուղղակի արդյունք են այն բանի, որ արդյունաբերութեան ու շինարարութեան կառավարման վերակառուցումը, որը կատարվեց պարտիայի նախաձեռնութեամբ, մեր տնտեսութեան մեջ բացահայտեց լրացուցիչ ռեզերվներ, բարձրացրեց տեղական օրգանների դերը տնտեսական հարցերի լուծման գործում, աշխատավորների միլիոնավոր զանգվածներին հնարավորութիւն տվեց էլ ավելի լայնորեն ցուցաբերելու ստեղծագործական ակտիվութիւն և նախաձեռնութիւն:

Կապիտալիստական երկրների հետ ՍՍՌ Միութեան մրցութեան մեջ վճռական նշանակութիւն ունեն տնտեսական զարգացման տեմպերը: Սովետական Միութիւնը ԱՄՆ-ից առաջ է անցել ինչպես երկաթաքարի, ածխի, նավթի, շուգունի, պողպատի, ցեմենտի, բրդի գործվածքների արտադրութեան աճման տեմպերով, այնպես էլ արտադրութեան աճմամբ: Էլեկտրաէներգիայի արտադրութեամբ, գազի հանույթով և կոշիկի արտադրութեամբ

— 11 —

ՍՍՌՄ-ն ԱՄՆ-ից անցել է աճման տեմպերով:

Այսպիսով արդյունաբերական արտադրանքի արտադրության բացարձակ չափերով Սովետական Միությանը արդեն վաղուց շատ առաջ է անցել Նվրոպայի խոշորագույն կապիտալիստական երկրներից՝ Անգլիայից, Ֆրանսիայից, Արևմտյան Գերմանիայից: Ներկայումս հաջողությամբ լուծվում է բնակչության մեկ շնչին ընկնող արտադրանքի արտադրությամբ պատմական կարճ ժամկետում կապիտալիստական առավել զարգացած երկրներին, այդ թվում նաև ԱՄՆ-ին հասնելու և անցնելու խնդիրը: Սովետական ժողովուրդն արդեն ապացուցել է, որ ինքն ի վիճակի է պատվով կատարելու այդ խնդիրը:

Կապիտալիստական երկրների հետ ՍՍՌՄ մրցության մեջ վճռական նշանակություն ունեն տնտեսական զարգացման տեմպերը:

1957 թվականին, 1913 թվականի համեմատությամբ, ամբողջ արդյունաբերության համախառն արտադրանքն ավելացել է ՍՍՌՄ-ում՝ 33 անգամ, ԱՄՆ-ում՝ 4,1 անգամ, Անգլիայում՝ 1,8 անգամ, Ֆրանսիայում՝ 2 անգամ: Մեքենաշինության և մետաղամշակման արտադրանքն ավելացել է ՍՍՌՄ-ում՝ ավելի քան 200 անգամ, ԱՄՆ-ում՝ 17, Անգ-

— 12 —

լիայում՝ 5,1, Ֆրանսիայում՝ 2,6 անգամ, էլեկտրաէներգիայի արտադրանքը՝ ՍՍՌՄ-ում՝ 108, ԱՄՆ-ում՝ 29, Անգլիայում՝ 22, Ֆրանսիայում՝ 29 անգամ, պողպատի ձուլումը ՍՍՌՄ-ում՝ 12,1 անգամ, ԱՄՆ-ում՝ 3,2, Անգլիայում՝ 2,8, Ֆրանսիայում՝ 2 անգամ:

Սոցիալիզմի վճռական առավելությունները հանդես են գալիս նաև գյուղատնտեսության զարգացման տեմպերի մեջ: Այսպես, նախապատերազմյան և հետպատերազմյան տարիներին (1930—1940 և 1946—1957 թ.թ.) գյուղատնտեսության համախառն արտադրանքի աճման տարեկան միջին տեմպերը ՍՍՌՄ-ում կազմել են 4,3 տոկոս, իսկ ԱՄՆ-ում՝ 1,2 տոկոս, իսկ 1954—1957 թ. թ. այդ տեմպերը ՍՍՌՄ-ում կազմել են 7,7 տոկոս, իսկ ԱՄՆ-ում ընդամենը՝ 1,1 տոկոս: Եթե վերցնենք միայն խաղաղ տարիները, ապա կտեսնենք, որ նախապատերազմյան 11 (1930—1940 թ. թ.) և հետպատերազմյան 11 (1947—1957 թ. թ.) տարիներին արդյունաբերության աճման տարեկան միջին տեմպերը ՍՍՌՄ-ում կազմել են՝ 16,2 տոկոս, ԱՄՆ-ում՝ 2,7 տոկոս, Անգլիայում՝ 3,2 տոկոս, Ֆրանսիայում՝ 3,1 տոկոս:

Արդյունաբերական արտադրանքի աճման տարեկան միջին տեմպերը մեզ մոտ 1958

— 13 —

թվականի առաջին կիսամյակում, 1957 թվականի համեմատությամբ, կազմել են 11 տոկոս, իսկ ԱՄՆ-ում ոչ միայն չեն աճել, այլ ընկել են 11 տոկոսով:

ԱՄՆ-ում 1957 թվականի առաջին կիսամյակի համեմատությամբ 1958 թվականի առաջին կիսամյակում արտադրությունը կրճատվել է. նավթ՝ 12 տոկոսով, ածուխ՝ 21 տոկոսով, պողպատ՝ 40 տոկոսով, ավտոմոբիլներ՝ 26 տոկոսով, սպառողական ապրանքներ՝ 20 տոկոսով:

«Երբ ես վատ տրամադրության մեջ եմ լինում,— ասել է Մասսաչուսեթսի տեխնոլոգիական ինստիտուտի պրոֆեսոր Ուիսները, — մտածում եմ այն մասին, որ 5 տարուց հետո Սովետական Միությունը բացահայտորեն մեզ կանցնի բոլոր բնագավառներում: Բայց երբ ես տրամադրված եմ լինում օպտիմիստորեն, ես զգում եմ, որ նրան 10 տարի է հարկավոր դրան հասնելու համար»:

Այս ամենը վկայում են, որ մեր երկիրը վստահորեն ընթանում է տնտեսական ծաղկման ճանապարհով, որ սովետական ժողովուրդը հաջողությամբ լուծում է տնտեսական հիմնական խնդիրը՝ պատմական շատ կարճ ժամանակում բնակչության մեկ շնչին ընկնող արտադրանքի արտադրությամբ ա-

— 14 —

ռավել զարգացած կապիտալիստական երկրներին հասնելու և անցնելու խնդիրը:

Մեծ Հոկտեմբերի 41-ամյակը գյուղատնտեսության շեշտակի վերելքի ուղղությամբ պարտիայի ձեռնարկած միջոցառումների կենսագործման, գյուղատնտեսական արտադրության զարգացման գործում ձեռք բերած հսկայական հաջողություններով են դիմավորում կոլտնտեսային գյուղի աշխատավորները: Գյուղատնտեսության հետագա զարգացման լայն ծրագիրը, որը մշակել են ՍՄԿՊ Կենտկոմի Սեպտեմբերյան պլենումը (1953 թ.), ՍՄԿՊ XX համագումարը և պարտիայի Կենտկոմի հաջորդ պլենումները, հաստատակամորեն կենսագործվում և հիանալի պտուղներ են տալիս:

ՍՄԿՊ Կենտկոմի Սեպտեմբերյան պլենումին հաջորդած 5 տարիներին սովետական ժողովուրդը հաջողությամբ կենսագործեց գյուղատնտեսության վերելքի ուղղությամբ պարտիայի ծրագիրը, որը հնարավորություն տվեց երկրի սոցիալիստական գյուղատնտեսությանը նոր առաջընթաց քայլ կատարելու կոմունիզմի կառուցման ճանապարհին:

Հայտնի է, որ նյութական շահագրգռվածությունը սոցիալիստական տնտեսավարության արմատական սկզբունքներից մեկն

— 15 —

է: Կոլտնտեսութիւնների և կոլտնտեսական-ների նյութական շահագորգովածութիւնը գյուղատնտեսական կոլտուրաների բերքատվության աճման և հանրային անասնապահության զարգացման բնագավառում ուժեղացնելու նպատակով, պետութիւնը պարտադիր հանձնումների գները բարձրացվեցին հետևյալ չափերով՝ անասուններինը և թռչուններինը ավելի քան 5,5 անգամ, կաթինը և յուղինը՝ 2 անգամ, կարտոֆիլինը՝ 2,5 անգամ, բանջարեղենինը՝ միջինը 25—40 տոկոսով, գնման գները ավելացան՝ մսինը՝ միջինը 30 տոկոսով, կաթինը՝ 1,5 անգամ: Գյուղատնտեսութիւնն պլանավորման էոր կարգը կոլտնտեսութիւններին և սովխոզներին հանձնեց ըստ կոլտուրաների ցանքերի, անասունների գլխաքանակի ավելացման, բերքատվության բարձրացման, կաթի, բրդի պլանների սահմանումը: Դրա շնորհիվ բոլոր պայմաններն ստեղծվեցին կոլտնտեսականների, սովխոզների և ՄՏ-կայանների աշխատողների ստեղծագործական ակտիվութիւնն զարգացման համար:

Գյուղատնտեսութիւնն վերելքի կարևորագույն լծակներից մեկն էլ խոպան ու խամ հողերի յուրացումն էր: Պարտիայի կողով Ղազախստանի, Սիբիրի, Պովոլժիյի անծայ-

— 16 —


5311-58

րածիր տարածութիւնները յուրացնելու մեկնեցին ավելի քան 350 հազար պատանիներ ու աղջիկներ, որոնք շտեմնված կարճ ժամկետում յուրացրին 36 միլիոն հեկտար հող:

Խամ ու խոպան հողերի յուրացումը և բերքատվութիւնն բարձրացումը հնարավորութիւն տվեցին զգալիորեն ավելացնելու հացահատիկի բերքը: 1956 թվականին գյուղատնտեսութիւնն աշխատողները պետութիւնը հանձնեցին 3,3 միլիարդ փութ հաց, որը երբեք նախկինում չի ստացել մեր երկիրը: Իսկ այս տարի մենք ավելի շատ հաց ունենք, քան 1956 թվականին:

Շաքարի ճակնդեղի բերքը անցյալ տարի, 1953 թվականի համեմատութիւնով, ավելացավ 70 տոկոսով, վուշինը՝ 2,8 անգամ, բամբակինը՝ 13 տոկոսով, կարտոֆիլինը՝ 20 տոկոսով, բանջարեղենինը՝ 27 տոկոսով: Վերջին 4 տարիներին մսի արտադրութիւնը ավելացել է 38 տոկոսով, կաթի արտադրութիւնը, 1954 թվականին եղած 38,2 միլիոն տոննայից, 1957 թվականին հասել է մինչև 54,7 միլիոն տոննայի:

ՍՄԿՊ Կենտկոմի Հռնվարչան պլենումը (1955 թ.) խնդիր դրեց 1960 թվականին մեկ կովի կաթնատվութիւնը բարձրացնել 1.700 կգ: Մինչդեռ անցած 3 տարիներին (1955—



1957 թ. թ.) մեկ կովի միջին կաթնատվությունը բարձրացել է հասնելով 1.858 կիլոգրամի:

Այսպիսով ՍՄԿՊ Կենտկոմի Հունվարյան պլենումի առաջադրանքը 6-ի փոխարեն երեք տարում կատարվեց: 1957 թվականի գարնանը երկրում ծավալվեց բնակչության մեկ շնչին ընկնող մսի, կաթի և յուղի արտադրությամբ ԱՄՆ-ին հասնելու համաժողովրդական շարժումը:

Այս հարցում ևս ձեռք են բերվել լուրջ հաջողություններ: Հարյուրավոր կոլտնտեսություններ և սովխոզներ անցյալ տարի 100 հեկտար հողատարածությունների դիմաց տվել են 100 և ավելի ցենտներ միս, 300—400 կգ կաթ և ալյն: Բնակչության մեկ շնչին ընկնող կաթի արտադրությամբ մեր երկիրն արդեն 1958 թվականին կհասնի ԱՄՆ-ին:

Արդեն 1957 թվականին ՍՍՌՄ-ը գյուղատնտեսական արտադրության մի շարք մթերքներով մոտեցավ ԱՄՆ-ի գյուղատնտեսական արտադրության ծավալին, իսկ մի քանի մթերքներով արդեն հասել և նույնիսկ գերազանցել է ԱՄՆ-ին: Մեզ մոտ կաթի արտադրությունը 1957 թվականին կազմեց ԱՄՆ-ի արտադրության մոտավորապես 95 տոկոսը, կենդանական յուղի արտադրու-

— 18 —

թյունը մի փոքր բարձր էր քան ԱՄՆ-ում: ՍՍՌՄ-ը ԱՄՆ-ին գերազանցում է ցորենի արտադրության ծավալով ավելի քան 2 անգամ, շաքարի ճականդեղի արտադրությամբ մոտ 3 անգամ, բրդի արտադրությամբ՝ 2,5 անգամ:

Մեր Հայրենիքը ԱՄՆ-ին և աշխարհի մյուս բոլոր երկրներին զգալիորեն գերազանցում է բամբակի բերքատվությամբ:

Եթե 1950 թվականից մինչև 1953 թվականը ՍՍՌՄ-ում գյուղատնտեսության համախառն արտադրանքի աճման տարեկան միջին տեմպերը հավասար է եղել 1,6 տոկոսի, իսկ ԱՄՆ-ում 1,7 տոկոսի, ապա վերջին 4 տարում այդ արտադրանքի տարեկան միջին աճը ՍՍՌՄ-ում հասել է մինչև 7,1 տոկոսի, իսկ ԱՄՆ-ում ընկել է մինչև 1,1 տոկոսի:

Պարտիան մեծ աշխատանք կատարեց գյուղատնտեսությունը ղեկավար և մասնագետ կադրերով ամրապնդելու գործում: Պարտիայի կոչով կոլտնտեսություններում, ՄՏԿ-ներում և սովխոզներում ղեկավար աշխատանքի մեկնեցին տասնյակ հազարավոր պարտիական և սովետական աշխատողներ, ինժեներներ, ագրոնոմներ, զոո-

— 19 —

տեխնիկներ և գյուղատնտեսության այլ մասնագետներ:

Այժմ յուրաքանչյուր կոլտնտեսությունում աշխատում է կամ ագրոնոմ, կամ զոոտեխնիկ, իսկ բազմաթիվ կոլտնտեսություններում և ագրոնոմ և զոոտեխնիկ, ՆՅԵ 1953 թվականի հուլիսին կոլտնտեսություններում և ՄՏԿ-ներում հաշվվում էր բարձրագույն կրթություն ունեցող 83 հազար մասնագետ, ապա 1957 թվականի վերջին նրանց թիվը հասնում էր 277 հազարի: Այժմ կոլտնտեսության նախագահների մեջ կան 28 հազար ագրոնոմ, զոոտեխնիկ, էկոնոմիստ, տեխնիկ-ինժեներ:

Վերջին տարիներին զգալիորեն բարձրացել է գյուղատնտեսության տեխնիկական զինվածությունը: 4 տարում գյուղատնտեսությունն ստացել է՝ 908 հազար տրակտոր (15 ուժանոցի վերածած), 293 հազար հացահատիկային կոմբայն, 467 հազար բեռնատար ավտոմոբիլ և բազմաթիվ այլ գյուղատնտեսական մեքենաներ: Այժմ ՍՍՌՄ գյուղատնտեսությունն ունի մոտ 1 միլիոն 700 հազար տրակտոր, 450 հազարից ավելի հացահատիկային կոմբայն, 660 հազար բեռնատար ավտոմոբիլ և բազմաթիվ այլ գյուղատնտեսական մեքենաներ:

— 20 —

1954—1957 թ. թ. պետությունը գյուղատնտեսության մեջ 75 միլիարդ 400 միլիոն ռուբլի կապիտալ ներդրումներ է կատարել, որը 10 միլիարդ ռուբլով ավել է, քան բոլոր կապիտալ ներդրումները երկրորդ, երրորդ, չորրորդ հնգամյակների և 5-րդ հնգամյակի 3 տարիները միասին վերցրած:

Սոցիալիստական գյուղատնտեսության զարգացման գործում նոր, բացառիկ կարևոր քայլ էր կոլտնտեսային կարգի հետագա ամրապնդման և ՄՏ կայանների վերակազմության մասին ՍՄԿՊ Կենտկոմի և Սովետական կառավարության միջոցառումները: Այդ միջոցառումների իրականացումը հնարավորություն է տալիս զգալիորեն լավ օգտագործել ժամանակակից տեխնիկան, արագացնել տեխնիկական պրոգրեսը գյուղատնտեսության մեջ, բարձրացնել աշխատանքի արտադրողականությունը, ավելացնել գյուղատնտեսական մթերքների արտադրությունը, իջեցնել նրանց ինքնարժեքը:

Գյուղատնտեսության էկոնոմիկայի վերելքի հիման վրա անընդհատ աճում են կոլտնտեսությունների եկամուտները, ավելանում են նրանց անբաժանելի ֆոնդերը, բարձրանում է աշխօրերին տրվող վարձատրությունը: Կոլտնտեսությունների անբաժանելի

Ֆոնդերը 1953 թվականին 63,1 միլիարդ
ռուբլուց, 1957 թվականին հասել են 98,6 մի-
լիարդ ռուբլու: Կոլտնտեսությունների դրա-
մական եկամուտները ավելացել են 2,4 ան-
գամ, կոլտնտեսականները դրամական և
բնամթերային եկամուտները մեկ աշխատողի
հաշվով 1953 թվականի համեմատությամբ
ավելացել են 33 տոկոսով:

Կոմունիստական պարտիան մշտական
հոգատարություն է ցուցաբերում ժողովրդի
բարօրության նկատմամբ, անում է ամեն
բան, որ էլ ավելի բարելավվի ժողովրդի
կյանքը, որ ավելի լրիվ բավարարվեն նրա
նյութական ու կուլտուրական հարաճուն
պահանջները:

Ժողովրդի հարաճուն պահանջները մեղ
մոտ բավարարվում են ոչ միայն նյութական
բարիքների արտադրության ընդլայնման, այլև
ապրանքների գների իջեցման, աշխա-
տավարձի կարգավորման, աշխատավորների
ոեալ աշխատավարձի ավելացման, թոշակ-
ների բարձրացման, ուսման վարձի վե-
րացման և այլ միջոցառումների շնորհիվ: Մեր
երկրում ամենուրեք, դեռահասների համար
մտցված է 6-ժամյա բանվորական օր, նա-
խատոնական և նախահանգստյան օրերին
աշխատանքային օրը կրճատվել է 2 ժամով,

— 22 —

զգալիորեն ավելացել է հղիության և ծննդա-
բերության շրջանում կանանց տրվող արձա-
կուրդների ժամկետը, վերացել է ուսման
վարձը դպրոցներում և բուհերում:

Սովետական ժողովուրդը մեծ ոգևորու-
թյամբ դիմավորեց կենսաթոշակների վերա-
բերյալ օրենքը: 1955 թվականին բնակչու-
թյունը պետությունից ստացել է 30,1 մի-
լիարդ ռուբլու թոշակ, 1957 թվականին՝ 58,8
միլիարդ, իսկ 1958 թվականին կստանա 66
միլիարդ ռուբլի թոշակ: Վերացվել է ամեն-
ամյա փոխառության բաժնեգրումը:

1957 թվականի հունվարի 1-ից բարձ-
րացվել է ցածր վարձատրվող բանվորների
և ծառայողների աշխատավարձը, վերացվել է
մինչև 370 ռուբլի աշխատավարձ և թոշակ
ստացողներից գանձվող հարկերը: Դրա շը-
նորհիվ բանվորների և ծառայողների եկա-
մուտներն ավելացել են տարեկան 8 միլիարդ
ռուբլով:

Մեր երկրի բանվորների և ծառայողների
ոեալ աշխատավարձը 1950—1957 թ. թ. ա-
վելացել է ավելի քան 1,5 անգամ:

1958 թվականին շարունակվում է արդյու-
նաբերության բանվորների ու ծառայողների
փոխադրումը կրճատված աշխատանքային
օրվա, առանց աշխատավարձը պակասեց-

նելու 1958 թվականի հունվարի 1-ից վերաց-
վեց ամուրիների, միայնակ և սակավանդամ
ընտանիք ունեցող քաղաքացիների վրա դր-
ված հարկերի գանձումը երեխաներ ունեցող
բոլոր անձանցից, ինչպես նաև միայնակ
կանանցից:

Այդ նույն ժամանակից պետությանը գյու-
ղատնտեսական մթերքների պարտադիր
հանձնումներից ազատվեցին կոլտնտեսա-
կանների, ինչպես նաև բանվորների ու ծա-
ռայողների անձնական օժանդակ տնտեսու-
թյունները: Դրա հաշվին բնակչությանը շա-
հել է ավելի քան 3 միլիարդ ուրլի: Ընթացիկ
տարում, ինչպես և նախորդ տարիներին,
բնակչությունը պետության հաշվին ստանում
էր բանվորների ու ծառայողների սոցիալա-
կան ապահովագրության նպաստներ և կեն-
սաթոշակներ, բազմազավակ և միայնակ
մայրերին տրվող նպաստներ ու վճարումներ,
ուսանողական թոշակներ, բժշկական ձրի
օգնություն, ձրի ուսուցում, որակավորման
բարձրացում և այլն:

Պարտիան և կառավարությունը խնդիր
են դրել առաջիկա 10—12 տարում լուծել
բնակարանային պրոբլեմը. 1958 թվականին
նախատեսված է կառուցել և շահագործման
հանձնել 61 միլիոն քառակուսի մետր ընդ-

— 24 —

հանուր տարածությամբ բնակելի շենքեր:
Բացի դրանից կոլտնտեսականների և գյու-
ղական ինտելիգենցիայի ուժերով նախա-
տեսված է կառուցել 800 հազար բնակելի
տներ: Արդեն 1957 թվականին յուրաքանչյուր
1.000 բնակչին կառուցվել է 10,6 բնակա-
րան, մինչդեռ ԱՄՆ-ում եղել է 6,7, Անգլիա-
յում՝ 5,9, Ֆրանսիայում՝ 6,2 բնակարան:
Վերջին 4 տարում ՍՍՌՄ քաղաքներում և
բանավաններում ավելի շատ բնակելի տներ
են կառուցվել, քան Սովետական իշխանու-
թյան առաջին 22 տարիներին: Անցյալ տա-
րի քաղաքների աշխատավորները ամեն օր
ստանում էին 200 նոր բնակարան, իսկ կոլ-
տնտեսականները մոտ 1,5 հազար տուն:

Սոցիալիզմի մեծագույն նվաճումներից
մեկն էլ ՍՍՌՄ-ում կատարված կուլտուրա-
կան ռևոլյուցիան է, որի շնորհիվ մեր եր-
կիրը գիտության ու տեխնիկայի զարգաց-
մամբ դուրս եկավ աշխարհում առաջին տե-
ղերից մեկը: Մինչև Հոկտեմբերյան ռևոլյու-
ցիան մեր երկրի բնակչության երեք քառոր-
դը անգրագետ էր: Սովետական իշխանու-
թյունը աշխատավոր մասսաների համար
լայն ճանապարհ բացեց դեպի լուսամորու-
թյունն ու գիտությունը: Ներկայումս ՍՍՌՄ-
ում ուսուցման բոլոր ձևերում ընդգրկված է

— 25 —

ավելի քան 50 միլիոն մարդ: 1957 թվականին բուհերում և տեխնիկումներում սովորում էին ավելի քան 4 միլիոն մարդ: Ժողովրդական տնտեսության մեջ աշխատում են բարձրագույն և միջնակարգ մասնագիտական կրթության ունեցող ավելի քան 6,8 միլիոն մասնագետներ:

Նախառևտրային Ռուսաստանում եղած 10 հազար գիտաշխատողի փոխարեն 1957 թվականին մենք ունենք ավելի քան 260 հազար գիտաշխատող, որից 96 հազարը գիտության դոկտորներ ու թեկնածուներ են: Միայն Միջին ասիական ռեսպուբլիկաների գիտությունների ակադեմիաներում ներկայումս ավելի շատ գիտաշխատողներ կան, քան եղել են ամբողջ ցարական Ռուսաստանում:

Սովետական բոլոր մարդիկ հսկայական հետաքրքրությամբ ընդունեցին ընկ. Ն. Ս. Խրուշչովի նամակը «Կյանքի հետ դպրոցի կապի ամրապնդման և երկրում ժողովրդական կրթության սիստեմի հետագա զարգացման մասին»:

Ընկ. Խրուշչովի նամակը պահանջում է, որ մեր դպրոցների գլխավոր խնդիրը լինի աճող սերունդը կյանքի, օգտակար աշխատանքի պատրաստելը, մեր երիտասարդու-

— 26 —

թյան մեջ սոցիալիստական հասարակության սկզբունքների նկատմամբ խոր հարգանք դաստիարակելը:

Սովետական մարդկանց անշափ ուրախացնում, նրանց սրտերը հպարտությամբ է լցնում մեր գիտնականների, ինժեներների, տեխնիկների, բանվորների խոշորագույն ներդրումը համաշխարհային գիտության, տեխնիկայի և կուլտուրայի գանձարանը:

1954 թվականի հունիսի 27-ին էլեկտրական հոսանք տվեց ատոմային էներգիայով աշխատող սովետական առաջին էլեկտրակայանը, իսկ 1958 թվականի սեպտեմբերին շարք մտավ ատոմային նոր էլեկտրակայանի առաջին հերթը՝ 100 հազար կիլովատ կարողությամբ: Այդ կայանի լրիվ կարողությունը հասնելու է 600 հազար կիլովատի: 1956 թվականի դեկտեմբերի 5-ին ջրարկվեց Վ. Ի. Լենինի անունը կրող ատոմային սառցահատը, որը կարող է լողալ մի ամբողջ տարի, առանց նավահանգիստ մտնելու: Մերձմոսկովյան Դուբնո քաղաքում 1957 թվականի ապրիլին սկսեց աշխատել սինխրոֆազոտրոնը՝ միկրոմասնիկների՝ աշխարհում ամենահզոր արագացուցիչը: Նրա օղակաձև էլեկտրամագնիսը կշռում է 36.000 տոննա:

1957 թվականի օգոստոսին ՍՍՌՄ-ում՝

աշխարհում առաջինը արձակվեց գերհեռավոր, միջմայրցամաքային բալիստիկ հրթիռը, 1957 թվականի հոկտեմբերի 7-ին, նոյեմբերի 3-ին և 1958 թվականի մայիսի 15-ին բաց թողնվեցին երկրի սովետական երեք արհեստական արբանյակները՝ նոր դարագլուխ բացելով տիեզերական տարածության ուսումնասիրման ասպարեզում: Այժմ նույնիսկ մեր հակառակորդները խոստովանում են, որ գիտության և տեխնիկայի զարգացմամբ, ժողովրդական տնտեսության տարբեր ճյուղերի տեխնիկական զինվածության մակարդակով, մասնագետների բարձր որակավորում ունեցող կադրերի առկայությամբ Սովետական Միությունը աշխարհում գրավում է առաջին տեղերից մեկը: Սովետական Միությունը հասել է գիտատեխնիկական և արտադրական այնպիսի բարձր մակարդակի, որը նրան հնարավորություն է ընձեռում իր բնական հարստությունները օգտագործել հարաճուն ծավալներով, զարգացնել արտադրողական ուժերը այնպիսի տեմպերով, որոնց մասին առաջ նույնիսկ երազել չէին կարող:

Նշանակալից հաջողություններ են ձեռք բերվել գրականության և արվեստի զարգացման գործում: Գրողները, արվեստի գործիչ-

— 28 —

ները, մեր ինտելիգենցիայի առաջավոր շրջատներից մեկն են, որոնք ակտիվորեն պայքարում են կոմունիզմի վեհ իդեալների հաղթանակի համար, կոմունիստական հասարակության կառուցողներ դաստիարակելու համար:



Հոկտեմբերյան Սոցիալիստական Մեծ ռևոլյուցիայի պանծալի տարեդարձը մեծագույն խանդավառությամբ են դիմավորում սոցիալիստական երկրների բոլոր ժողովուրդները, ամբողջ աշխարհի աշխատավորները: Եվ դա միանգամայն հասկանալի է: Զե՛ որ Հոկտեմբերյան ռևոլյուցիան արմատական շրջադարձ էր ոչ միայն Սովետական Միության ժողովուրդների կյանքում: Նա վճռական ազդեցություն գործեց համաշխարհային պատմության ամբողջ ընթացքի վրա, ամբողջ աշխարհի ժողովուրդների ճակատագրի վրա:

Վ. Ի. Լենինը գրել է. «...Մենք իրավունք ունենք հպարտանալու և հպարտանում ենք նրանով, որ մեզ երջանկություն բաժին ընկավ սկսելու Սովետական պետության կառուցումը, սկսելու դրանով համաշխարհային պատմության նոր դարաշրջան, այն

նա՞ր դասակարգի տիրապետության դարա-
շրջանը, որը ճնշված է բոլոր կապիտալիս-
տական երկրներում և ամենուրեք գնում է
դեպի նոր կյանք, դեպի հաղթանակ բուր-
ժուազիայի դեմ, դեպի պրոլետարիատի
դիկտատուրան, դեպի մարդկության ազա-
տագրումը կապիտալի լծից, իմպերիալիս-
տական պատերազմներից»։ Հոկտեմբերյան
ռևոլյուցիան հաղթանակեց մարքսիզմ-լենի-
նիզմի դրոշով։ Անցավ որոշ ժամանակ և
Հոկտեմբերի գծած ուղիով սկսեցին ընթա-
նալ Եվրոպայի ու Ասիայի մի շարք երկր-
ներ, ստեղծվեց սոցիալիզմի անխորտակ
լագերը։ Շարժման հորձանուտի մեջ մտավ
գաղութային Արևելքը, որի ստրկացված
ժողովուրդները փշրում են գաղութակալու-
թյան կապանքները և կանգնում ազգային
անկախության ու առաջադիմության ուղու-
վրա։ Սոցիալիստական ռևոլյուցիայի հաղ-
թանակը Չինաստանում և ժողովրդական
դեմոկրատիայի մյուս երկրներում, հա-
մաշխարհային պատմության ամենանշա-
նավոր իրադարձությունն են Հոկտեմբերյան
ռևոլյուցիայից հետո։ Հոկտեմբերյան ռևո-
լյուցիայի համաշխարհային պատմական
նշանակությունն այն է, որ նա գցեց դեպի
սոցիալիզմ տանող սյունադարձ ուղին, բա-

— 30 —

ցահայտեց այն ընդհանուր օրինաչափու-
թյունները, որոնք կիրառելի են դեպի սոցիա-
լիզմ ընթացող բոլոր երկրների համար։

ՍՍՌՄ բաղմակողմանի օգնության և փո-
խադարձ համագործակցության շնորհիվ
ժողովրդական դեմոկրատիայի երկրները
անշեղորեն իրագործում են սոցիալիստա-
կան ինդուստրացումը, զարգացնում արդյու-
նաբերությունը։

1957 թվականին արդյունաբերության
համախառն արտադրանքը ՉժՌ-ում՝ 1949
թվականի համեմատությամբ՝ ավելացել է
5,6 անգամ, Լեհաստանում նախապատե-
րադմյան ժամանակաշրջանի համեմատու-
թյամբ՝ ավելի քան 5 անգամ, Չեխոսլովա-
կիայում՝ մոտ 3 անգամ, ԳԴՌ-ում՝ 2,4 ան-
գամ, Ռումինիայում՝ 3,5 անգամ, Հունգա-
րիայում՝ մոտ 4 անգամ, Բուլղարիայում՝
մոտ 8 անգամ, Ալբանիայում՝ 14,6 անգամ
ՄժՌ-ում՝ 4,6 անգամ։

Չինական Ժողովրդական Ռեպուբլիկա-
յում հիմնականում ավարտվել են սոցիա-
լիստական վերափոխությունները, սոցիա-
լիստական արտադրահարաբերությունները
գերիշխող են դարձել երկրի էկոնոմիկայի բո-
լոր ճյուղերում։ 1957 թվականին այստեղ ար-
դյունաբերության և գյուղատնտեսության

— 31 —

սոցիալիստական սեկտորին բաժին էր ընկնում ամբողջ ժողտնտեսության արտադրանքի ավելի քան 90 տոկոսը: Բուլղարիայում սոցիալիզմը անբաժանելիորեն տիրապետում է ամբողջ էկոնոմիկայում, կապիտալիստական տնտեսաձևը լրիվ վերացվել է ինչպես գյուղում, այնպես էլ քաղաքում: Չեխոսլովակիայում սոցիալիստական արտադրական հարաբերությունները առաջատար են ժողովրդական տնտեսության բոլոր ճյուղերում, ԳԴՄ-ում՝ սոցիալիստական սեկտորը արդյունաբերության համախառն արտադրանքի մեջ գրավում է 88,7 տոկոսը: Ժողովրդական Չինաստանում 1958 թվականի ապրիլին արդյունաբերական ձեռնարկությունների համախառն արդադրանքը անցյալ տարվա ապրիլի համեմատությամբ աճել է 42 տոկոսով: Ժողովրդական դեմոկրատիայի եվրոպական երկրներում արդյունաբերական արտադրանքի աճը այդ նույն ժամանակամիջոցում կազմեց 11—17 տոկոս:

Չին ժողովրդի առջև խնդիր է դրված՝ մոտակա 15 տարվա ընթացքում արդյունաբերական կարևոր տեսակների արտադրության մակարդակով հասնել և անցնել Անգլիային, երկիրը դարձնել հզոր սոցիալիստական ին-

— 32 —

դուստրիալ տերություն: Այդ խնդրի լուծումով ՉԺՄ-ն կհասնի արդյունաբերության զարգացման այն մակարդակին, որն ունի ՄՍՄ-ն Հայրենական պատերազմի սկզբին: Արդեն երկրորդ հնդամյակի վերջին (1962 թ.) ՉԺՄ-ն արդյունաբերական արտադրանքի մակարդակով կհասնի այնպիսի զարգացած երկրների, ինչպիսիք են Ճապոնիան և Ֆրանսիան: Երկրորդ համաշխարհային պատերազմից առաջ Բուլղարիան արդյունաբերական զարգացման տեսակետից մի մակարդակի վրա էր կանգնած Թուրքիայի և Հունաստանի հետ: Իսկ 1956 թվականին Բուլղարիայի արդյունաբերական արտադրանքը 1939 թվականի համեմատությամբ ավելացել է 6,7 անգամ, մինչդեռ Թուրքիայինը՝ 2,3 անգամ Հունաստանինը՝ 1,9 անգամ:

Չեխոսլովակիայում ստեղծված են բոլոր պայմանները բնակչության մեկ շնչին ընկնող արտադրանքով առավել զարգացած կապիտալիստական երկրներին հասնելու և անցնելու համար: Այժմ Չեխոսլովակիան բնակչության մեկ շնչին ընկնող պողպատի ձուլմամբ անցել է Շվեդիայից և Ֆրանսիայից, էլեկտրաէներգիայի արտադրությամբ՝ Ֆրանսիային, Իտալիային, Ճապոնիային:

Ժողովրդական տնտեսության բոլոր ճյուղերի զարգացման գործում ձեռք բերած հաջողությունները հնարավորություն տվեցին ԳԴՄ-ին մոտակա ժամանակաշրջանի համար առաջ քաշել հիմնական տնտեսական խնդիրը, որի էությունը կայանում է նրանում, որսլեսզի ցուցադրվի ԳԴՄ-ի սոցիալիստական կարգի գերազանցությունը Բոննի իմպերիալիստական ուժերի նկատմամբ և բնակչության մեկ շնչին ընկնող արտադրանքով հասնել և անցնել ԳՖՄ-ից:

Մեծ են ժողովրդական Դեմոկրատիայի երկրների հաջողությունները գիտության և կուլտուրայի զարգացման գործում: ՉԺՄ-ում 8 տարվա ընթացքում պատրաստվել է տարբեր պրոֆիլի 369 հազար մասնագետ. դա 150 հազարով ավելի է ուսանողների այն թվից, որ ավարտել են հին Չինաստանի բուհերը վերջին 50 տարվա ընթացքում: Լեհաստանում բուհերի թիվն աճել է 3 անգամ, նախքան պատերազմը Լեհաստանում կար 12 հազար ինժեներ, իսկ 1956 թվականին՝ 70 հազար: Չեխոսլովակիայում մինչև պատերազմը բուհերում ամեն տարի սովորում էր 23,5 հազար ուսանող, իսկ 1956 թվականին՝ 48,5 հազար:

ՍՍՄԽ-ը որպես սոցիալիզմի լազերի ա-

— 34 —

մենահզոր և շատ փորձ ունեցող երկիր, անշահախնդիր և եղբայրական օգնություն է ցույց տալիս բոլոր սոցիալիստական երկրներին: Այդ երկրների ժողովուրդները ՍՍՄԽ-ի մեջ տեսնում են սոցիալիզմի հենարանը, նրա նկատմամբ երախտագիտության և բարեկամության խոր զգացմունք են տածում, վճռական հակահարված տալով բոլոր նրանց, ովքեր ցանկանում են քայքայել սոցիալիզմի լազերի անխորտակելի միասնությունը:

Սոցիալիստական լազերի երկրների եղբայրական համագործակցությունը և մարտական համերաշխությունը սոցիալիզմի հաղթական գործի երաշխիքն է:

Սոցիալիստական երկրների փոխհարաբերությունները հիմնված են պրոլետարական ինտերնացիոնալիզմի սկզբունքների վրա և բնորոշվում են եղբայրական համագործակցությամբ և սոցիալիստական փոխադարձ օգնությամբ: Սոցիալիստական երկրների միջև չկա և չի կարող լինել շահագործման, անտադոնիստական հարաբերություններ: Ընդհակառակը, սոցիալիստական պետությունները կազմում են մեկ միասնական հզոր լազեր, ժողովուրդների մեծ համագործակցություն, որի նպատակն

է տնտեսական և քաղաքական բնագավառներում սերտ համագործակցության և փոխադարձ օգնության հիման վրա մաքսիմալ չափով օգտագործել համաշխարհային սոցիալիստական սխառեմի բոլոր առավելությունները՝ էկոնոմիկայի անշեղ վերելքի, աշխատավորների նյութական բարեկեցության բարելավման և ամբողջ սոցիալիզմի լազերի հզորութիւնը ուժեղացնելու համար:

Մեծ են մեր նվաճումները, բայց էլ ավելի հոյակապ են մեր հեռանկարները:

ՍՄԿՊ 20-րդ համագումարում նշվեց, որ անհրաժեշտ է մշակել մեր երկրի էկոնոմիկայի զարգացման մի քանի հնգամյակների հեռանկարային պլան: Մի շարք կարևորագույն ճյուղերի վերաբերյալ այդ պլանի որոշ ցուցանիշների նշումները ցույց են տալիս, թե այժմ մեր երկիրը ինչպիսի վիթխարի քայլ կարող է անել ժողովրդական տնտեսության հետագա զարգացման, կոմունիզմի կառուցման ճանապարհին:

Նախնական հաշվումներով նախատեսված է 15 տարվա ընթացքում, երկաթաքարի հանույթը հասցնել 250—300 միլիոն տոննայի, չուգունի ձուլումը՝ 75—85 միլիոն տոննայի, պողպատի ձուլումը՝ 100—

— 36 —

120 միլիոն տոննայի, ածխի հանույթը՝ 650—750 միլիոն տոննայի, նավթինը՝ 350—400 միլիոն տոննայի, էլեկտրաէներգիայի արտադրութիւնը՝ 800—900 միլիարդ կիլովատ-ժամի, ցեմենտի արտադրութիւնը՝ 90—110 միլիոն տոննայի, շաքարինը՝ 9—10 միլիոն տոննայի, բրդե գործվածքներինը՝ 550—650 միլիոն մետրի, կաշվե-կոշիկեղենինը՝ 600—700 միլիոն զույգի:

Հենվելով սոցիալիստական գյուղատնտեսության ձեռք բերած հաջողութիւնների վրա և հաշվի առնելով նրա հսկայական ռեզերվները, մոտակա տարիներում պետք է հասնենք հացահատիկի և անասնաբուծական մթերքների արտադրության զգալի ավելացման: Շատ բան պետք է արվի հացահատիկի արտադրութիւնը 11 միլիարդ փթի հասցնելու համար:

ՍՍՌՄ Գերագույն Սովետի հոբելյանական սեսիայում տված զեկուցման մեջ ընկ. Խրուշչովն ասաց, որ մոտիկ ապագայի համար Կոմունիստական պարտիայի պլանները նախատեսում են ծանր ինդուստրիայի վճռական ճյուղերի զարգացում 2—3 անգամ, գյուղատնտեսության հետագա շեշտակի վերելք, որը հնարավորութիւն կտա առաջիկա 15 տարում զգալիորեն

բարձրացնել մեր ժողովրդի կենսամակար-
դակը, հասնել սովետական մարդկանց
նյութական ու կուլտուրական հարաճուն
պահանջմունքների բավարարմանը:

Համաշխարհային-պատմական այդ
խնդրի իրականացման համար սովետական
ժողովրդի պայքարի մեջ խոշոր և վճռական
էտապ կհանդիսանա ՍՍՌՄ ժողովրդական
տնտեսության զարգացման 1959—1965 թ.
թ. պլանը, որի կոնտրոլ թվերը կքննարկի
ՍՄԿՊ XXI արտահերթ համագումարը:

Նախահոկտեմբերյան այս օրերին մեր
անժայռածիր Հայրենիքի բոլոր անկյուննե-
րում՝ Բալթիկայից մինչև Խաղաղ օվկիա-
նոս, Հյուսիսային բևեռից մինչև Մեծ Զի-
նաստանի սահմանները, ամենուրեք եռում
է ստեղծագործական աշխատանքը, վեր են
խոյանում նոր գործարանների, ֆաբրիկա-
ների, հանքավայրերի, էլեկտրակայանների
հսկա կորպուսները, ձգվում են նոր յու-
րացված բերքառատ հողերի հսկայական
տարածությունները:

Ամբողջ թափով ծավալվում է աշխարհի
ամենախոշոր Բրատսկի, ինչպես նաև
Ստալինգրադի, Կրիմեյի, Իրկուտսկի,
Նովոսիբիրսկի հիդրոկայանների շինարա-
րությունը: Մետալուրգիական վիթխարի

— 38 —

գիգանտներ են կառուցվում Ստալինսկում և
Կարագանդայում: Այս տարի չուգուն կտան
7 նոր դոմնային վառարաններ, որոնք չու-
գունի տարեկան ձուլումը կավելացնեն 4 և
կես միլիոն տոննայով, որն ավելին է,
քան տվել են հին Ռուսաստանի բոլոր գոր-
ծարանները՝ 1913 թվականին: Բարձր
տեմպերով են աշխատում անցյալ տարի
շահագործման հանձնված Դոնբասի 37 կո-
մերիտական ածխահորերը:

Սովետական մարդը կոմունիզմի շինա-
րարության գործին է ծառայեցնում, մեր
երկրի ընդերքի անսպառ գանձերը՝ Ֆալու-
տական ալմաստները, Կուրսկի մագնիտա-
յին անոմալիայի, Կուստանայի, Խակաս-
սիայի, մերձանգարյան երկաթահանքերը,
Բաշկիրիայի և Թաթարիայի նավթը, Ուկ-
րաինայի, Կուբանի, Ստավրոպոլի, Բուխա-
րայի բնական գազը և ընդերքի բազմաթիվ
այլ հարստությունները:

Զիմանալով ինչ է գործազրկությունը,
սովետական մարդիկ հանգիստ և վստահո-
րեն աշխատում են ամեն մեկն իր պոս-
տում, իրենց լուծման մտցնելով կոմունիստա-
կան շինարարության հոյակապ խնդիրների
կենսագործման ասպարեզում: Նրանք վրս-
տահ են իրենց ուժերին, վաղվա օրվա

— 39 —

նկատմամբ, էլ ավելի հիանալի է նրանց ապագան: Որտեղ էլ աշխատելիս լինի սովետական մարդը՝ գործարանում, թե ֆաբրիկայում, կոլտնտեսությունում, թե տրանսպորտում, գիտական հիմնարկում, թե դպրոցում, նա օրինական հպարտություն է զգում իր Հայրենիքի նկատմամբ, ձգտում է իր աշխատանքով էլ ավելի նպաստել նրա ծաղկմանն ու բարգավաճմանը, կոմունիզմի կառուցմանը:

Պատմության զարգացման ամբողջ ընթացքը անհերքելիորեն ցույց է տալիս, որ ժամանակն աշխատում է կոմունիզմի օգտին: Այժմ կոմունիզմն արդեն հեռավոր ապագայի հարց չէ. Ամեն օր, ամեն ժամ, սովետական ժողովրդի հերոսական աշխատանքի ամեն մի հաջողության մեջ պարզորոշ կերպով ուրվագծվում է կոմունիզմի հոյակապ շենքը, բացահայտվում են նորանոր հնարավորություններ մեր առաջընթացն էլ ավելի արագացնելու համար:

ՍՊՏԱԳՈՐԾԻՐ ԶՐՈՒՅՅԻ ԺԱՄԱՆԱԿ

Ի ՊԱՏԻՎ ՊԱՐՏԻԱՅԻ XXI ՀԱՄԱԳՈՒՄԱՐԻ

(Թվեր և փաստեր)

Մտնելով Սովետական Միության կոմունիստական պարտիայի XXI համագումարի պատվին ծավալված սոցիալիստական մրցության մեջ, ռեսպուբլիկայի արտադրական ձեռնարկությունների կոլեկտիվները նոր, բարձր պարտավորություններ են վերցրել և ոչ մի ջանք չեն խնայում ստանձնած պարտավորությունները պատվով կատարելու համար: Համառ ու աննկուն աշխատանքով նրանք ձգտում են տալ Հայրենիքին էլ ավելի շատ ու բարձրորակ արտադրանք, տարեկան պլանները կատարել ժամկետից շուտ և համագումարը դիմավորել արժանավայել նվերներով:

★ Երևանի Պահածոների գործարանը հոկտեմբերի 7-ին կատարեց ընթացիկ տարվա տասը ամիսների արտադրական պլանը: Թողարկվել է 33 միլիոն 600 հազար տուփ մրգի և բանջարեղենի պահածոներ, որը 6 միլիոն տուփով ավելի է, քան արտադրվել է 1957 թվականի նույն ժամանակամիջոցում: Գործարանի կոլեկտիվը պարտավորվել է Հոկտեմբերյան Սոցիա-

լիստական Մեծ ռեկլուցիայի 41-րդ տարեդարձը դիմավորել տարեկան պլանը լիովին կատարած:

★ Ս. Մ. Կիրովի անվան Կահույքի ֆաբրիկան, ծավալած մրցության շնորհիվ, անցած 9 ամիսների համախառն արտադրանքի թողարկման պլանը կատարեց 102 տոկոսով: Ի պատիվ ՍՄԿՊ XXI համագումարի, ֆաբրիկայի աշխատավորները պարտավորվել են տարեկան պլանը կատարել դեկտեմբերի 15-ին, մինչև տարվա վերջը տալ 200 հազար ռուբլու արտապլանային արտադրանք և թողարկել միայն գերազանց որակի կահույք: Օրերս այստեղ տեղադրվեց նոր տիպի հիդրավլիկ մամլիչ մեքենա, որի շնորհիվ զգալիորեն բարձրացել է աշխատանքի արտադրողականությունը:

★ Արարատի ցեմենտի-շիֆերի կոմբինատի կոլեկտիվը կատարելով անցած ամիսների արտադրական առաջադրանքները, պլանից ավել թողարկել է զգալի քանակությամբ արտադրանք: Չեռնարկության բանվոր-ծառայողները պարտավորվել են 4-րդ եռամսյակի պլանը կատարել ժամկետից 6 օր շուտ, լրացուցիչ թողարկել 200 հազար պայմանական շիֆեր, 4 հազար տոննա կրաքար և 500 տոննա կիր:

★ Ագարակի պղնձամոլիբդենային կոմբինատի աշխատողները նոր հաջողությունների են հասել պլանների կատարման ու գերակատարման գործում: Լեռնագործները հանքավայրի բացման աշխատանքների պլանը կատարել են 142,8 տոկոսով, իսկ շինմոն-

— 42 —

տաժային աշխատանքները՝ 112,7 տոկոսով, տալով մեկ ու կես միլիոն ռուբլու միջոցների խնայողություն: Մեկ բանվորի աշխատանքի միջին արտադրողականությունը բարձրացել է 35 տոկոսով: Ներկայումս ձեռնարկության աշխատողները պայքարում են հանքավայրի բացման աշխատանքների տարեկան պլանը կատարել ժամկետից երկու ամիս շուտ՝ նոյեմբերի 7-ին, իսկ շինմոնտաժային աշխատանքների պլանը՝ դեկտեմբերի 20-ին:

★ Ներկայումս Լենինականում կառուցվում է հզկող հաստոցների գործարան, որը արտադրելու է երեք տիպի հզկող և հատուկ նշանակություն ունեցող շորս տարբեր տեսակի հաստոցներ, որոնք օգտագործվելու են հաստոցաշինական, սարքաշինական և գործիքաշինական գործարաններում:

★ XXI համագումարի պատվին ծավալված սոցմրցման մեջ լավ հաջողությունների է հասել Ալավերդու պղնձա-քիմիական կոմբինատի կոլեկտիվը: Մետաղագործները և քիմիագործները պլանից դուրս երկրին տվել են հարյուրավոր տոննաներ պղինձ, սուպերֆոսֆատ և ավելի քան 1 միլիոն 300 հազար ռուբլու կուտակում: Պլանի համեմատությամբ, նրանք աշխատանքի արտադրողականությունը բարձրացրել են 6,8 տոկոսով:

★ Երևանի Դերմատին-մոմլաթի ֆաբրիկայի կոլեկտիվը անցած 9 ամիսների պլանը կատարեց 108,6 տոկոսով, տալով միայն բարձրորակ արտադրանք: Կոլեկտիվը միաժամանակ պարտավորվել է բոլոր

— 43 —

ցուցանիշներով տարեկան պլանը կատարել նույնմբերի 29-ին և մինչև տարվա վերջը տալ 500 հազար ռուբլու արտապլանային արտադրանք:

★ Երևանի բրդյա նուրբ գործվածքեղենի կոմբինատը գերակատարեց համախառն արտադրանքի իր 9 ամսվա առաջադրանքները: Մանվածքային ցեխի բանվորները 15—20 տոկոսով գերակատարում են իրենց օրվա առաջադրանքները: Խնայողության շնորհիվ տնտեսված մանվածքի հաշվին պատրաստվել է 10 հազար 770 մետր կտոր: Իրենց առաջադրանքները հաջողությամբ կատարում և գերակատարում են նաև գզող և նախապատրաստական ցեխերը:

★ Երևանի Շահումյանի անվան Կաշվի գործարանը հաջողությամբ կատարելով իր պլանները, երկրորդ տվել է ավելի քան 2,6 միլիոն ռուբլու արտապլանային արտադրանք: Գործարանի կոլեկտիվը որոշել է ի պատիվ ՍՄԿՊ XXI համագումարի և ՀԿՊ XX համագումարի տալ միայն գերազանց որակի արտադրանք:

★ Մտնելով սոցիալիստական մրցության մեջ Երևանի Փոքր հիդրոտուրբինների գործարանը ձեռք է բերել նոր հաջողություններ: Գործարանը արդեն երկրորդ տվել է մի քանի միլիոն ռուբլու արտապլանային արտադրանք: Արտադրանքի ինքնարժեքը իջել է 8,2 տոկոսով, որից ստացվել է 266 հազար ռուբլու ոչ պլանային կուտակումներ:

ՕԳՆՈՒԹՅՈՒՆ ԱԳԻՏԱՏՈՐՆԵՐԻՆ

ԹԵՄԱՆԵՐ ԵՎ ԳՐԱԿԱՆՈՒԹՅՈՒՆ, ԱԳԻՏԱՏՈՐՆԵՐԻ ՆՈՅԵՄԲԵՐ ԱՄՍՎԱ ԶՐՈՒՅՑՆԵՐԻ ՀԱՄՈՐ

1. Հոկտեմբերյան Սոցիալիստական մեծ ոկոյուցիայի 41-րդ տարեդարձը

ԳՐԱԿԱՆՈՒԹՅՈՒՆ

Վ. Ի. ԼԵՆԻՆ— Պրոլետարիատի խնդիրների մասին
ավյալ ոկոյուցիայում, Երկեր, հատոր 24, էջ 1—9,
Հայպետհրատ, 1951:

Վ. Ի. ԼԵՆԻՆ— Ի՞նչ է Սովետական իշխանությունը,
Երկեր, հատոր 29, էջ 295—298, Հայպետհրատ, 1951:

Վ. Ի. ԼԵՆԻՆ— Սովետական իշխանության հերթա-
կան խնդիրները, Երկեր, հատոր 27, էջ 279—333,
Հայպետհրատ, 1951:

Վ. Ի. ԼԵՆԻՆ— Հոկտեմբերյան ոկոյուցիայի
չորսամյա տարեդարձի առթիվ, Երկեր, հատոր 33,
էջ 37—48, Հայպետհրատ, 1952:

Սովետական Միության Կոմունիստական պարտիայի
հիմունք տարին (1903—1953), Հայպետհրատ, 1953:

Ի. Վ. ՍՏԱԼԻՆ— Հոկտեմբերյան ոկոյուցիայի մի-

շագգային բնույթը, *Երկեր, հատոր 10, էջ 271—284, Հայպետհրատ, 1949:*

Ն. Ս. ԽՐՈՒՇՉՈՎ.— Զեկույցում պարտիայի XX համագումարին:

2. Հայ ժողովրդի վերածնունդը

(Հայաստանում Սովետական իշխանություն
հաստատելու 38-րդ տարեդարձը)

ԳՐԱԿԱՆՈՒԹՅՈՒՆ

Վ. Ի. ԼԵՆԻՆ.— Ադրբեջանի, Վրաստանի, Հայաստանի, Դաղստանի, Լեռնականների ռեսպուբլիկայի կոմունիստ ընկերներին, *Երկեր, հատոր 32, էջ 402—445, Հայպետհրատ, 1952:*

Վ. Ի. ԼԵՆԻՆ.— Իհշ է Սովետական իշխանությունը. *Երկեր, հատոր 29, էջ 295—296, Հայպետհրատ, 1951:*

Ս. Հ. ԹՈՎՄԱՍՅԱՆ.— Սովետական Հայաստանը Մեծ Հոկտեմբերի ծնունդն է, *Հայպետհրատ, 1957:*

3. Նոր հաջողություններով նշանավորենք ՍՄԿՊ XXI համագումարը

Դեպի Սովետական Միության կոմունիստական պարտիայի XXI համագումարը, «Պրավդա»-ի առաջնորդողը, տպագրված «Ս. Հ.»-ի 1958 թվականի սեպտեմբերի 9-ի համարում:

Դեպի ՍՄԿՊ XXI համագումարը. «Լենինյան ուղիով» ամսագրի 1958 թվականի 9-րդ համարի առաջնորդողը:

— 46 —

Ի պատիվ Մեծ Հոկտեմբերի (թվեր և փաստեր), տպագրված «Ագիտատորի բլոկնոտ»-ի 1958 թվականի 18-րդ և 19-րդ համարներում:

4. Բարձր ցուցանիշներով կատարենք ստանձնած պարտավորությունները

(Օգտագործել տեղական փաստեր, զրույցի նյութ դարձնել, թե ով ինչպես է կատարում սոցմրցությամբ ստանձնած պարտավորությունը):


5. Ավելի շատ բնակելի տներ աշխատավորներին

ԳՐԱԿԱՆՈՒԹՅՈՒՆ

Ն. Ս. ԽՐՈՒՇՉՈՎ.— Ավելի լրիվ չափով բարելավել ժողովրդի նյութական անող պահանջմունքները, ՍՄԿՊ XX համագումարին տված զեկույցումից:

ՍՄԿՊ Կենտկոմում և ՍՍՌՄ Մինիստրների Սովետում — վարչական, սպորտային և հասարակական այլ շենքերի ու կառուցվածքների շինարարության համար հատկացվող դրամական միջոցների և նյութական օնսուսների ծախսումը կանոնավորելու մասին, տպագրված «Ս. Հ.»-ի 1958 թվականի հոկտեմբերի 7-ի համարում:

Բնակարանային շինարարությունը առաջնահերթ գործ է, «Պրավդա»-ի առաջնորդողը, տպագրված «Ս. Հ.»-ի 1958 թվականի հոկտեմբերի 10-ի համարում:



6. Բարելավենք անասունների խնամքը մսուրային շրջանում

ԳՐԱԿԱՆՈՒԹՅՈՒՆ

Ն. Ս. ԽՐՈՒՇՉՈՎ— Անասնաբուծության հետազա-
վերելի խնդիրները, ՍՄԿՊ XX համագումարին տված
զեկույցումից, էջ 88—93, Հայպետհրատ, 1956:

Նյութեր անասնաբուծության մքերատվությունը
բարձրացնելու, կերի բազան ամրապնդելու մասին,
տպագրված «Հայաստանի կոլտնտեսական» ամսագրի
9-րդ համարում:

7. Ժողովրդական կրթության զարգացման կարևոր խնդիրները

ԳՐԱԿԱՆՈՒԹՅՈՒՆ

Ն. Ս. ԽՐՈՒՇՉՈՎ— Նամակ ՍՄԿՊ Կենտկոմի նա-
խագանությանը կյանքի հետ դպրոցի կապի ամ-
րապնդման և երկրում ժողովրդական կրթության սիս-
տեմի հետազա զարգացման մասին, տպագրված
«Ս. Հ.»-ի 1958 թվականի սեպտեմբերի 24-ի հա-
մարում:

Ժողովրդական կրթության զարգացման կարևոր խըն-
դիրները, «Պրավդա»-ի առաջնորդողը տպագրված
«Ս. Հ.»-ի 1958 թվականի սեպտեմբերի 24-ի համա-
րում:

8. Ամերիկյան պրովոկացիաները չին ժողովրդի նկատմամբ

— 48 —

ԳՐԱԿԱՆՈՒԹՅՈՒՆ

Ն. Ս. ԽՐՈՒՇՉՈՎի պատասխանը ՏԱՍՍ-ի թղթակցի
հարցերին, տպագրված «Ս. Հ.»-ի 1958 թվականի հոկ-
տեմբերի 7-ի համարում:

Պին Գե-Խոսայի դիմումը Տայվանում ապրող հայ-
րենակիցներին, տպագրված «Ս. Հ.»-ի 1958 թվականի
հոկտեմբերի 7-ի համարում:

Վերջ տալ ամերիկյան պրովոկացիաներին Հեռավոր
Արևելքում «Պրավդա»-ի առաջնորդողը, տպագրված
«Ս. Հ.»-ի 1958 թվականի հոկտեմբերի 9-ի համարում:

СОДЕРЖАНИЕ

	Стр.
МАТЕРИАЛЫ ДЛЯ БЕСЕД И ДОКЛАДОВ	
41-я годовщина Великой Октябрьской со- циалистической революции	1
ИСПОЛЬЗУЙ ВО ВРЕМЯ БЕСЕДЫ	
В честь XXI съезда партии	41
В ПОМОЩЬ АГИТАТОРАМ	
Темы и литература для бесед агитаторов на ноябрь	45

Խմբագիր՝ Վ. ԲՋՆՈՒՆԻ